



洞  
海  
の  
末

観  
心  
録



門 16  
1208  
卷 3



陶淵明文集卷第九

集聖賢群輔錄上

明由曉升級宋均曰級等差必育受統

俗宋均曰俗以博受古諸宋均曰古

諸侯職隕丘一作受延嬉宋均曰延長

也此錄

右燧人四佐燧人出天四佐出洛

宋均曰出天所

金提一作堤主化俗宋均曰為民鳥明主



建福宋均曰曰福視默主灾惡宋均曰曰為

也紀通為中職宋均曰曰為田仲起為海

陸宋均曰曰主平陽侯為江海宋均曰曰主

江本湖作右伏羲六佐六佐出世宋均曰曰安

世人故增二佐出

風后受金法宋均曰曰金法言天老受天

錄宋均曰曰錄五聖受道級宋均曰曰級知

命受糾俗宋均曰曰糾窺紀受變復宋均曰曰

復能補地典受州絡宋均曰曰絡力墨受準

斥宋均曰曰準斥凡事

右黃帝七輔州選舉翼佐帝德自

燧人四佐至七輔見論語摘輔象

重該脩熙

右少昊四叔實能金木及水使重

為勾芒該為蓐收脩及熙為玄冥

世不失職遂濟窮桑見左傳蔡墨

辭

義仲

義叔

和仲

和叔

右義和四子孔安國云即堯之四岳分掌四岳諸侯鄭玄云堯既分陰陽為四時命義仲和仲義叔和叔等為之官又主方岳之事是為四岳見鄭尚書注

伯夷為陽伯

樂舞侏離

陽

義仲之後為義

伯

樂舞武漫哉歌

伯

曰祁慮一無武

字義叔之後為義伯

樂舞將陽

曰朱華 咎繇為

秋伯

樂舞蔡淑

和仲之後為和伯

樂舞

歸來 垂為冬伯

樂舞丹鳳一曰齊落

右八伯自義和死後分置八伯舜

既即位元祀巡狩每至其方各貢

兩伯之樂大傳冬伯後闕一人鄭

玄云此上下有脫辭其說未聞十

有五祀後又百工相和而歌慶雲

八伯稽首而進者也見尚書大傳

謹堯

共工

鯀

三苗

右四凶

蒼舒

隕斨

檮戲

大臨

兪降

庭堅

仲容

叔達

右高陽氏才子八人齊聖廣淵明

允篤誠天下之民謂之八凱

伯奮

仲堪

叔獻

季仲

伯虎

仲熊

叔豹

季狸

右高辛氏才子八人忠肅恭懿宣

慈惠和天下之民謂之八元從四

凶至此悉見左傳季女子辭

禹作司空

棄作稷

契作司徒

咎繇作士

益作朕虞

垂作共工

伯夷作秩宗

龍作納言

夔作曲樂

右九官舜登帝位所選命見尚書

雄陶

方回

續牙

伯陽

東不訾

或云  
不識

秦不虛

或云  
不空

靈甫

右舜七友並為歷山雷澤之游戰  
國策顏斨云堯有九佐舜有七友

而尸子只載雄陶等六人不載靈甫皇甫士安作逸士傳云視其友則雄陶方回續牙伯陽東不訾秦不空靈甫之徒是為七子與戰國策相應

禹

稷 契 皋陶 益

右舜五臣見論語已列九官中

禹

稷 契 皋陶 伯夷 垂 益

夔

右八師見楚辭七諫

伯夷

禹 稷

右三后伯夷降典制民惟刑禹平水土主名山川稷降播種農植嘉穀三后成功惟殷于民漢太尉楊賜曰昔三后成功皋陶不與焉蓋各之也見尚書甫刑後漢書

微子

箕子 比干

右殷三仁論語曰微子去之箕子

為之奴比干諫而死孔子曰殷有三仁焉

伯夷 太公

右二老尚書大傳曰太公避紂居東海之濱皆率其黨曰盍歸乎吾聞西伯昌善養老此二人者蓋天下之大老也往而歸之是天下之父歸之也天下之父歸之其子曷往孔融曰西伯以二老開王業

闕天 太公望 南宮适 散宜生

右文王四友尚書大傳云闕天南宮适散宜生三子學于太公望望曰嗟乎西伯賢君也四子遂見西伯於羨里孔子曰文王有四臣止亦得四友此四人則文王四隣也

伯達 伯适 仲突 仲忽 叔夜  
叔夏 季隨 季騶

右周八士見論語賈逵以為文王

時鄭玄以為成王時也

伯邑考 武王發 管叔鮮

周公旦 蔡叔度 曹叔振鐸

霍叔武 邰叔處 康叔封

聃季載 一本無邰叔處有毛叔圍

右太姒十子太史公曰太姒十子

周以宗強見史記

周公旦 邵公奭 太公望

畢公 毛公 閔公

太顛 南宮适 散宜生

文母 太姒也

右周十亂見論語其四人已列四

友

秦公牙 吳班 孫尤

大夫冉贛 公子麋

右五王並能相焉尸子曰古有五

王之相迺謂之王其貴之也

狐偃 趙衰 顛頡



魏武子 司空季子

右晉文公從亡五人叔向曰生十七年有士五人見左傳及晉太尉劉琨詩曰重耳憑五臣

奄息

仲行

鍼虎

右三良子車氏之子秦穆公沒要以從死詩人悼之為賦黃鳥見左

傳毛詩

子展賦草蟲

子罕

子西賦黍苗

子駟

子產賦隰桑

子國

公孫段賦桑扈

子豐

子

伯有賦鶉之賁賁

子良孫

子大

叔賦野有蔓草

子游孫

印段賦蟋蟀

子印孫

右鄭七穆謂之七子鄭穆公子十

有一人罕駟豐印游國良七人子

孫並有才名世任鄭國之政以免

晉楚之難謂之七穆叔向曰鄭士

穆氏其后亡乎及諸侯為宋之盟

鄭伯享趙武子垂隴七卿皆從文  
子曰七卿從君以寵武也請皆賦  
以卒君貺亦以觀七子之志見左  
傳又吳質書云趙武過鄭七子賦

詩

仲孫穀文伯獻子莊子孝伯叔孫得臣  
莊叔穆子昭子成季孫行父文子武子  
平子桓子康子

右魯桓公之曾孫世秉魯政號曰

三桓孔子曰三桓之子孫微矣見

論語左傳

趙無恆襄子趙衰始為卿范吉射昭子  
士會始為卿至無恆四世智瑤襄子荀首始為卿  
寅文子荀林父始為卿魏多襄子魏絳始為卿  
多四世韓不信簡子韓厥始為卿

右六族世為晉卿並有功名此六  
人實弱晉國滔于越云卒有田常  
六卿之臣劉向亦曰田常復見於

今六卿必起於漢見左傳史記漢書

儀封人 荷蕢 晨門 楚狂接輿

長沮 桀溺 荷蓀丈人 一作伯夷 叔齊虞仲

夷逸朱張柳下惠少連

右作者七人論語曰賢者避世其次避地其次避色其次避言孔子曰作者七人見包氏注董威贊詩曰洋二乎盈耳哉而作者七人

德行 顏淵 閔子騫 冉伯牛

仲弓

言語 宰我 子貢

政事 冉有 季路

文學 子游 子夏

右四科見論語

顏回 子貢 子路 子張

右孔子四友文王有胥附奔奏先後禦侮謂之四隣孟懿子曰夫子

亦有四隣乎子曰吾有四友焉自  
吾得回門人益親是非胥附乎自  
吾得賜遠方之士日至是非奔奏  
乎自吾得師前有光後有輝是非  
先後乎自吾得由惡言不至於門  
是非禦侮乎見孔叢子

顏回 冉伯牛 子路 宰我 子貢

公西華

右六侍仲尼志意不立子路侍儀

服不脩公西華侍禮不習子貢侍  
辭不辯宰我侍亡忽古今顏回侍  
節小物冉伯牛侍曰吾以夫六子  
自厲也見尸子

檀子 盼子 黔夫 種首

右齊威王疆場四臣齊威王與魏  
惠王會田於郊魏王問威王曰王  
有寶乎威王曰無有魏王曰若寡  
人國雖小猶有徑寸之珠照前後

車各十二乘者十枚奈何為萬乘  
之國而無寶乎威王曰寡人之所  
以為寶與王異吾臣有檀子者使  
守南城則楚人不敢為寇東取泗  
上十二諸侯皆來朝吾臣有盼子  
者使守高唐則魏人不敢東漁於  
河吾臣有黔夫者使守徐則燕人  
祭北門趙人祭西門從而從之者  
七十餘家吾臣有種首者使備盜

賊則道不拾遺以此為寶將以照  
千乘豈直十二乘哉魏惠王慙不  
懌而去見史記及春秋後語

齊孟嘗君田文

魏信陵君无忌

趙平原君趙勝

楚春申君黃歇

右戰國四豪見史記

太子少傅留文成侯韓張良

相國鄼文終侯沛蕭何

楚王淮陰侯韓信

右三傑漢高祖曰此三人人之傑也見漢書

園公 姓園名秉字宣明陳留襄邑人常居園中故号園公見陳留志

綺里季 夏黃公 姓崔名廓字少通齊人隱居修道号夏黃

公見崔氏譜 角里先生

右商山四皓當秦之末俱隱上洛

商山皇甫士安云並河內軹人見

漢書及皇甫謐高士傳

太子太傅疎廣字仲翁 宣帝本始四年魏相為御史大

夫薦廣於霍光時年六十七以元康三年告退年六十七

太子少傅疎受字公子 廣兄子也

右二疎東海人宣帝時並為太子

師傅每朝太傅在前少傅在後朝

廷以為榮授太子論語孝經各以

老疾告退時人謂之二疎見漢書

重合令子輿 居宋 櫟陽令子羽 居東觀里

東海太守子仲 居宜 兗州刺史子明

居西 商里 潁陽令子良 居遂興里

右郡汝南周燕少卿之五子號曰五龍各居一里子孫並以儒素退讓為業天下著姓見周氏譜及汝南先賢傳

龔勝字君賓

龔舍字君倩

或曰長倩

右並楚人皆治清節世號二龔見漢書

唐林字子高

唐尊字伯高

右並沛人亦以潔履著名於成哀

之世號為二唐比楚二龔後皆仕王莽見漢書左思曰二唐絜已乃點及汙

平阿侯王譚

成都侯王商

紅陽侯

王章

曲陽侯王根

高平侯王逢時

右並以元后弟同日受封京師號曰五侯並奢豪富侈招賢下士谷永樓護皆為賓客時人為之語曰谷子雲之筆扎樓君卿之唇舌言

出其門也見漢書張載詩曰富侈  
擬五侯

北海逢萌字子康 北海徐房字平原

李曇字子雲 平原王遵字君公

右皆懷德穢行不仕亂世相與為  
友時人号之四子見後漢書嵇康

高士傳

求仲 羊仲

右二人不知何許人皆治車為業

挫廉逃名一作世蔣元卿之去兖州

還杜陵荆棘塞門舍中有三逕不

出惟二人從之游時人謂之二仲

見嵇康高士傳

太傅高密元侯南陽鄧禹字仲華

大司馬廣平忠侯南陽吳漢字子顏

左將軍膠東剛侯南陽賈復字君文

建成大將軍好時慈侯扶風耿弇字伯

昭



執金吾雍奴威侯上谷寇恂字子翼  
江西大將軍陽夏節侯潁川馮異字公  
孫

征南大將軍舞陽壯侯南陽岑彭字君  
然

征虜將軍潁陽成侯潁川祭遵字弟孫  
太常靈壽侯信都邳彤字偉君

東郡太守東莞成侯鉅鹿耿純字伯山  
上谷太守淮陰侯潁川王霸字元伯

左中郎將朗陵愍侯潁川臧宮字君翁

驃騎大將軍櫟陽侯馮翊景丹字孫卿

驃騎大將軍參蘧侯南陽杜茂字諸公

建義大將軍鬲侯南陽朱祐字仲先

驃騎將軍慎靖侯南陽劉隆字元伯

揚武將軍全椒侯南陽馬成字君遷

大司空阜成侯漁陽王梁字君嚴

衛尉安城忠侯潁川鮑期字次况

左馮翊安平侯漁陽蓋延字巨卿

捕虜將軍楊虛侯南陽馬武字子張  
 驍騎將軍昌城侯鉅鹿劉植字伯先  
 左將軍阿陵侯南陽任光字伯卿  
 豫章太守中水侯東萊李忠字仲都  
 左將軍槐里侯扶風萬脩字君游  
 琅邪太守祝阿侯南陽陳俊字子昭  
 積弩將軍昆陽威侯潁川傅俊字子漸  
 揚化將軍合肥侯潁川堅鐔字子伋  
 右河北二十八將光武所與定天

下見後漢書張衡東京賦云受鉞  
 四七共工以除

武威太守梁統字仲寧  
 金城太守庫鈞字巨公  
 張掖太守史苞字叔文  
 酒泉太守竺曾字巨公  
 燉煌太守辛彤字大房

右河西五守是時更始已為赤眉  
 所害隗囂密有異志統等五人共

推竇融為河西大將軍內撫吏民  
外禦寇戎東伐隗囂歸心世祖克  
建功業見後漢書及善文

大鴻臚韋孟達 上黨太守公孫伯達

河陽長魏仲達

右扶風平陵人同時齊名世号三  
達孟達名彪丞相賢五世孫明帝  
時人見漢書及决錄

光祿大夫周舉 光祿大夫杜喬

光祿大夫周栩 尚書藥巴

青州刺史馮羨 兖州刺史郭遵

太尉長史劉班 侍御史張綱

右八使漢順帝時政在權官官以  
賄成周舉等議遣八使循行風俗  
同日俱發天下号曰八使見張璠  
漢紀

平輿令韋順字叔文 歷位樂平相去官

三公之命後為平輿  
令吏民立祠社中

順弟武陽令豹字季明

友人羅陵健為縣丞卒官喪柩

流離豹弃官致喪歸比辟公府輒弃去司徒劉愷尤敬之

豹弟廣都長義字季節

少好學不求榮利四十乃仕三

為令長皆有惠化以兄喪去官辟公府不就廣都為立生祠焉

右清河太守韋文高之三子皆以

學行知名時人号韋氏三君見京

地舊事

楊震字伯起

以太常為司徒遷太尉

震子秉字叔節

以太常為太尉

秉子賜字伯獻

以光祿勳為公再司徒一太尉

賜子彪字文先

以太中大夫為公一司徒一太尉

右楊氏四公弘農華陰人自孝安

至獻帝七世父子以德業相繼為

三公見續漢書

袁安字邵公

以太僕為司徒

安子敞字叔平

以光祿勳為司空

敞子湯字仲河

以太僕為司空

湯子逢字周陽

以屯騎校尉為司空

逢弟隗字次陽

以太常為司空太尉

右表氏四世五公見續漢書

處士豫章徐稚字孺子

京兆韋著字休明

汝南袁闕字夏甫

彭城姜肱字伯淮

潁川李曇字子雲

右太傅汝南陳公時為尚書令與諸尚書悉名士也共薦此五人時

号五處士見續漢書及善文

周子居

黃叔度

艾伯堅

邳伯向

封武興

盛孔叔

右汝南六孝廉太守李張選此六人以應歲舉受版未行張死子居等遂駐行喪張妻於柩側下帷見之厲以宜行子居歎曰不有行者莫宣公不有止者莫卹居於是與伯堅即日辭行封黃四人留隨柩

車見杜元凱女戒

大將軍槐里侯扶風平陵竇武字游平

天下忠誠

太傅高陽鄉侯汝南平輿陳蕃字仲舉

天下義府

侍中河間樂成劉淑字仲承劉仲承

右三君

少傅潁川襄城李膺字元禮李元禮

司空山陽高平王暢字叔茂王叔茂

太僕潁川陽城杜密字周甫杜周甫

司隸校尉沛國朱寓字季陵朱季陵

尚書會稽上虞魏朗字少英魏少英

沛國潁陰荀翬字伯條荀伯條

大司農博陵安平劉祐字伯祖劉祐

太常蜀郡成都趙典字仲經趙仲經

右八俊

有道太原介休郭泰字林宗郭林宗

太常陳留圉夏馥字子治天下慕持

尚書令河南鞏尹勳字伯元天下英藩

河南尹太山平陽羊陟字嗣祖天下清苦

祖

議郎東郡發劉儒字叔林天下強金

冀州刺史陳國項蔡衍字孟喜天下雅志

喜

穎川太守渤海東城巴肅字恭祖天下虎

祖巴恭

議郎南陽安衆宗慈字孝初天下通儒

右八顧後漢書無劉儒有范滂

御史中丞汝南召陵陳翔字子鱗海內貴珍

陳子鱗

衛尉山陽高平張儉字元節海內忠烈

太尉掾汝南細陽范滂字孟博海內寒

蒙令山陽高平檀敷字文有海內通士

洛陽令魯國孔昱字世元海內才珍

云字元世

太山太守渤海重合宛康字仲真海內彬二

宛仲真

太尉掾南陽棘陽岑晁字公孝海內珍好岑公

孝

鎮南將軍荊州牧武城侯山陽高平劉

表字景升海內所稱劉景升

右八及後漢書無范滂有翟超

少府東萊曲城王商字伯義海內賢智王伯義後

漢書作王章

郎中魯國蕃嚮字嘉景海內修整蕃嘉景

北海相陳留己吾秦周字平王海內貞良秦平

侍御史太山奉高胡母班字季皮海內珍奇

胡母季皮

太尉掾潁川陰劉翊字子相海內光相劉子相

冀州刺史東平壽張王考字文祖海內依枯

王文祖



陳留相東平壽張張邈字孟卓海內嚴恪張孟

卓  
荆州刺史山陽湖陸度尚字博平海內清明

度博平

右皆傾財竭已解釋怨結拯救危

急謂之八厨後漢書無劉翊有劉儒

從三君至此並見三君八俊錄

太丘長潁川陳寔字仲弓

寔子大鴻臚紀字元方

紀弟司空掾諶字季方

右並以高名號曰三君見甄表狀  
及邯鄲滄紀碑

陶淵明文集卷第九

陶淵明文集卷第十

集聖賢羣輔錄下

太尉河南杜喬字叔榮

禮記春秋尚書

老子隱居不仕年四十一

為郡太常燉煌

張奐字然明

狀與廉方亮直學該群籍

財貨珍寶一幅

無所取焉孫裸飛宋侍

中河內向詡字甫興

好狀黃老古虛泊然

肆志不慕時

太傅汝南陳蕃字仲舉

倫積三十年

亮無倫學該墳典忠壯

諤又曰明允貞亮與大將軍

實武志匡

社稷機事不密 太尉沛國施延字君子

為犀邪所害 狀延清公絜白進士許少府潁川李膺

字元禮 少膺承三公之後生高絜之門

華夏高名 司隸沛國朱寓字季陵 一

冠於指紳中正無識知行狀者告本郡

訪問耆老識寓云桓帝時遭難無後

太僕潁川杜密字周南 名密清高雅達

五郡恩大鴻臚潁川韓融字元長 狀融

知機發於歧嶷時人名之曰窮神且知二

兄弟同居至於沒齒處卿相之位且知二

約十年奉身守司空潁川荀爽字慈明 爽

年十二隨父在公府 侯從儒林歸伏究極

也或遣進奏或親候 狀植少履清

籍篇司空清河房植字伯武 苦孝友忠正

歷位州郡政成化行既登三事請恭衣

是過聘士彭城姜肱字伯淮 狀肱稟履

也固事親至孝五十年慕學綜六知立性

純窮通究微行隆華夏名播四海太尉

下邳陳球字伯真 中球清高忠直孝靈

以害司空山陽王暢字叔茂 貞實以禮性

文身居家在徵士陳留申屠蟠字子龍

致甘露白雉以孝稱州郡表其門  
 閣徵聘不就年七十終於家  
 山陽張儉字元節孝友臨官賞罰清亮  
 絕大司農北海鄭玄字康成  
 體大雅之洪則學無常師講求道與數  
 宣聖軌錯綜其數作五經注義窮理盡  
 性徵士樂安冉瑒字孟玉  
 也徵士樂安冉瑒字孟玉  
 之行前後十五辟皆不就除高唐令色  
 斯而舉時陳仲舉李元禮仲弓皆難其  
 高太尉漢中李固字子堅  
 風大將軍梁冀惡直醜正官  
 其道桓帝即位遂死於讒  
 郭泰字林宗名狀布華夏學冠群儒州郡  
 有道太原

禮命曾不旋軌辟司  
 徒徵有道並不軌辟司  
 穆字公叔初狀補中令政平民和有處子  
 賤益風上書陳尚書會稽魏朗字少英  
 狀朗資純美之情至亮輔國師聘士豫章  
 朝忠塞正直之節播於京師  
 徐稚字孺子狀稚後三徵未嘗降志抗名  
 山樓養志浩然有夷齊之度遼將軍安  
 之高遠伯玉卷舒之術少岐嶷正直之  
 皇甫規字威明狀規少岐嶷正直之  
 不能樂用退隱山  
 石敦樂詩書

右魏文帝初為丞相魏王所旌表

二十四賢後明帝乃述撰其狀見文帝令及甄表狀

太常燉煌張英字然明為度遠將軍出并清靜吏民歌

之徵拜大司農賜錢除家一人為郎

度遠將軍安定皇甫規字威明

太尉武威段熲字紀明

右涼州三明並著威名於桓靈之世悉名士也見續漢書

韋權字孔衡 弟瓚字孔玉

瓚弟矩字孔規

右太尉掾韋子才之三子皆修仁義兄弟孝友逢盜賊一人病不能去兄弟相慕兵至俱死時人稱之号韋三義見三輔决錄

荀儉字伯慈漢侍中儉弟緄字仲慈濟

相漢光祿大夫或緄弟靖字紉慈汝南

許劭年六十六賢助曰二人皆玉也慈汝南

外朗傲慈內潤靖隱身修學勤必以禮年太尉辟不就 靖弟壽字慈光舉孝廉年七十壽

弟汪字孟慈昆陽令汪弟爽字慈明車公

徵為平原相遷光祿勳司空出自巖爽

弟肅字敬慈守舞陽令肅弟勇字幼慈

年七十

右朗陵令潁川荀季和之八子並

有德業時人号之八龍居西豪里

勃海宛康知名士也時為潁陰令

美之曰高陽氏才子八人遂改所

居為高陽里見張璠漢紀及荀氏

譜

公沙紹字子起紹弟字允慈北海

者舊傳稱字與荀爽共約出不得事貴

勢而爽當董卓時脫巾未百日位至司

違約割席而坐字弟恪字允讓

恪弟達字義則達弟樊字義起

右北海公沙穆之五子並有令名

京師号曰公沙五龍天下無雙穆

亦名士也見魏明帝甄表狀及後

漢書

膠東令盧記昭字興先

樂城令剛

戴祁字子陵

潁陰令剛徐晏字孟

平

涇令盧夏隱字叔世

州別

駕蛇上劉彬字文曜

一云世州

右濟北五龍少並有異才皆稱神童當桓靈之世時人号为五龍見

濟北英賢傳

孝廉杜陵金敞字元休

州刺史

上計掾

長陵第五巡字文休

興先之子興先名種司空伯魚之孫

名士也不詳迎位

南休位至涼州掾上計掾杜陵韋端字

右同郡齊名時人号之京兆三休

並以光和元年察舉見三輔决錄

晉宣帝河南司馬懿字仲達

魏司空潁川陳羣字長文

中領軍譙朱鑠字彥才

侍中濟陰吳質字季重

右魏文帝四友見晉紀

魏步兵校尉陳留阮籍字嗣宗  
中散大夫譙耜康字姝夜

晉司徒河內山濤字巨源

建成參軍沛劉伶字伯倫

始平太守陳留阮咸字仲容籍兄子

散騎常侍河內向秀字子期

司徒琅邪王戎字濬冲

右魏嘉平中並居河內山陽共為

竹林之游世号竹林七賢見晉書

魏書袁宏戴逵為傳孫統又為讚

吳軌相風吳人劉惔占氣河內人趙達筭河內

人皇象書廣陵人嚴子卿棊名昭武衛尉宗

壽占夢失一曹不興畫為孫權畫屏風

蠅手彈不去御坐權以為真也孤城鄭姥相

見王師傳後為太子太傅

右吳八絕見張勳吳錄

陳留董昶字仲道 琅邪王澄字平子

陳留阮瞻字千里 一云阮八百即瞻弟字遙集明率多通



故大將軍王敦云方穎川庾凱字子嵩

陳留謝鯤字幼輿太山胡毋輔之字

彥國沙門于法龍樂安光逸字孟

祖

右晉中朝八達近世聞之故老

裴徽字文秀魏冀州裴楷字叔則徽弟

晉光祿裴綽字季舒楷弟長裴瓚字國

寶楷子中裴邈字景初楷孫欽子太裴

遐字叔道瓚子太裴康字仲豫徽弟二

左 裴頠字逸民尚書僕射晉

王祥字休徵保晉太王戎字濬沖父渾涼

祥族子王澄字平子行弟裴綽女王導

字茂弘從弟丞相王綏字萬子戎子

裴康女壻王衍字夷甫戎父王玄字眉子衍子

字處仲覽孫基弟二王玄字眉子衍子

史內

右河東八裴琅邪八王聞之於故老

魏司空王昶字文舒 昶子汝南太守  
湛字處沖 湛子東海內史承字安期  
承子驃騎將軍述字懷祖 述子安北  
將軍坦之字文度 魏尚書僕射杜畿  
字伯侯 畿子幽州刺史恕字務伯  
恕子鎮南將軍頽字元凱 頽子散騎  
常侍錫字世嘏 錫子光祿大夫又字  
弘治

右太原王京兆杜各稱五世盛德

聞之於故老凡書籍所載及故老  
所傳善惡聞於世者蓋盡於此矣  
漢稱田叔孟舒等十人及田橫兩  
客魯二儒史並失其名夫操行之  
難而姓名翳然所以撫卷長慨不  
能已已者也

八儒

二子沒後散於天下設於中國成百氏  
之源為綱紀之儒居環堵之室華門圭

賈甕隳繩樞併日而食以道自居者有  
道之儒子思氏之所行也衣冠中動作  
順大讓如慢小讓如偽者子張氏之所  
行也顏氏傳詩為道為諷諫之儒孟氏  
傳書為道為踈通致遠之儒漆雕氏傳  
禮為道為恭儉莊敬之儒仲梁氏傳樂  
為道以和陰陽為移風易俗之儒樂正  
氏傳春秋為道為屬辭比事之儒公孫  
氏傳易為道為潔淨精微之儒

三墨

不累於俗不飾於物不尊於名不伎於  
衆此宋鉏尹文之墨裘褐為衣跂蹠為  
服日夜不休以自苦為極者相里勤五  
侯子之墨俱稱經而背譎不同相謂別  
墨以堅白此苦獲已齒鄧陵子之墨  
靖節徵士誄

宗金紫光祿大夫贈特進顏延年  
夫璿玉致美不為池隍之寶桂椒信芳

陶集十  
而非園林之實豈其樂深而好遠哉蓋  
云殊性而已故無足而至者物之藉也  
隨踵而立者人之薄也若乃巢由之抗  
行夷皓之峻節故已父老堯禹錙銖周  
漢而縣世寢遠光靈不屬至使菁華隱  
沒芳流歇絕不亦惜乎雖今之作者人  
自為量而首路同塵輟塗殊軌者多矣  
豈所以昭末景泛餘波乎有晉徵士潯  
陽陶淵明南岳之幽居者也弱不好弄

長實素心學非稱師文取指達在眾不  
失其寡處言每見其嘿少而貧苦一作病  
居無僕妾井臼弗任藜藿不給母老子  
幼就養勤匱遠惟田生致親之議追一作  
近悟毛子捧檄之懷初辭州府三命後  
為彭澤令道不偶物棄官從好遂乃解  
體世紛結志區外定迹深棲於是乎遂  
一作遠灌畦鬻蔬為供魚菽之祭織紉緯  
蕭以充糧粒之費心好異書性樂酒德

簡棄煩但就成省曠殆所謂國爵屏貴  
 家人忘貧者歟有詔徵著作郎稱疾不  
 赴春秋六十有三元嘉四年月日卒於  
 得陽縣之某里一作柴桑里近識悲悼遠士  
 傷情冥默福應嗚呼淵貞夫實以誅華  
 名由謚高苟允德義貴賤何算焉若其  
 寬樂令終之美好廉克己之操有合謚  
 典無愆前志故詢諸友好宜謚曰靖節  
 徵士其詞曰

物尚孤特一作生人固介立豈伊時違曷  
 云世及嗟乎若士望古遥集韜此洪族  
 蔑彼名級睦親之行至自非敦然諾之  
 信重於布言廉深簡潔貞夷粹温和而  
 能峻博而不繁依世尚同詭時則異有  
 一於此而兩一作非默置豈若夫子曰心  
 違事達一作理畏榮好古薄身厚志世霸虐  
 禮州壤推風孝惟義養道必懷邦人之  
 秉彝不隘不恭爵同下士祿等上農度

量難鈞進退可限長卿棄官稚質自免  
 子之悟之何悟之辯賦辭歸來高蹈獨  
 善亦既超曠無適非心汲流舊壘肯字  
 家林晨煙暮靄春煦秋陰陳書綴卷置  
 酒絃琴居備勤儉躬兼貧病人否其憂  
 子然其命隱約就閑遷延辭聘非直也  
 明一作明也是惟道性糾纏幹流冥漠報施  
 孰云與仁實疑明智謂天盖高胡讐斯  
 義履信曷憑思順何寘年在中身疾病

疴疾視化如歸臨凶若吉藥劑弗嘗禱  
 祠非恤僚出告終懷和長畢嗚呼哀哉  
 敬述清一作靖節式遵遺占存不願豐沒  
 無求瞻省訃却賻輕哀薄斂遭壞以穿  
 旋葬而窆嗚呼哀哉深心追往遠情逐  
 化自爾介居及我多暇伊好之洽接閭  
 隣舍宵盤晝態非舟非駕念昔宴私舉  
 觴相誨獨正者危至方則礙哲人卷舒  
 布在前載取鑑不遠吾規子佩爾寔愀

然中言而發遺衆速尤迂風先蹶身才  
非實榮聲有歇徽一作音永矣誰歲余  
闕嗚呼哀哉仁焉而終智焉而斃黔婁  
既沒展禽亦逝其在先生同塵往世旌  
此靖節加彼康惠嗚呼哀哉

傳

昭明太子

陶淵明字元亮或云潛字淵明潯陽柴  
桑人也曾祖侃晉大司馬淵明少有高  
趣博學善屬文穎脫不羣任真自得嘗

著五柳先生傳以自况曰先生不知何

許人也亦不詳姓字宅邊有五柳樹本

無樹曰以為號焉閑靜少言不慕榮利

好讀書不求甚解每有會意欣然忘食

性嗜酒而家貧不能恒得親舊知其如

此或置酒招之造飲輒盡期在必醉既

醉而退曾不悟情去留環堵蕭然不敞

風日短褐穿結簞瓢屢空晏如也嘗著

文章自娛頗示已志忘懷得失以此自

終時人謂之實錄親老家貧起為州祭  
酒不堪吏職少日自解歸州召主簿不  
就躬耕自資遂抱羸疾江州刺史檀道  
濟往候之偃卧瘠餒有日矣道濟謂曰  
賢者處世天下無道則隱有道則至今  
子生文明之世奈何自苦如此對曰潛  
也何敢望賢志不及也道濟饋以梁肉  
麾而去之後為鎮軍建威參軍謂親朋  
曰脚欲弦歌以為三徑之資可乎執事

者聞之以為彭澤令不以家累自隨送  
一力給其子書曰汝旦夕之費自給為  
難今遣此力助汝薪水之勞此亦人子  
也可善遇之公田悉令吏種秫曰吾常  
得醉於酒足矣妻子固請種秔乃使二  
頃五十畝種秫五十畝種粳歲終會郡  
遣督郵至縣吏請曰應束帶見之淵明  
歎曰我豈能為五斗米折腰向鄉里小  
兒即日解綬去職賦歸去來徵著作郎



不就江州刺史王弘欲識之不能致也  
 淵明嘗往廬山弘命淵明故人龐通之  
 齋酒具於半道栗里之間邀之淵明有  
 脚疾使一門生二兒昇一作舉籃輿既至  
 欣然便共飲酌俄頃弘至亦無迂也先  
 是顏延之為劉柳後軍功曹在潯陽與  
 淵明情款後為始安郡經過潯陽日造  
 淵明飲焉每往必酣飲致醉弘欲邀延  
 之坐一作赴彌日不得延之臨去留二萬

錢與淵明淵明悉遣送酒家稍就取酒  
 嘗九月九日出宅邊菊叢中坐久之滿  
 手把菊忽值弘送酒至即便就酌醉而  
 歸淵明不解音律而蓄無絃琴一作無絃素琴  
 一張每酒適輒撫弄以寄其意貴賤造  
 之者有酒輒設淵明若先醉便語客我  
 醉欲眠卿可去其真率如此郡將常候  
 之值其釀熟取頭上葛巾漉酒漉畢還  
 復著之時周續之入廬山事釋惠遠彭

城劉遺民亦遁迹匡山淵明又不應徵  
命謂之潯陽三隱後刺史檀韶苦請續  
之出州與學士祖企謝景夷三人共在  
城北講禮加以讎校所任公廨近於馬  
隊是故淵明示其詩云周生述孔業祖  
謝響然臻馬隊非講肆校書亦已勤其  
妻翟氏亦能安勤苦與其同志自以曾  
祖晉世宰輔恥復屈身後代自宗高祖  
王業漸隆不復肯仕元嘉四年將復徵

命會卒時年六十三世號靖節先生

陶淵明文集卷第十

彭澤後人福祥校字

北齊楊休之序錄

余覽陶潛之文辭采雖未優而徃徃有  
奇絕異語放逸之致棲托仍高其集先  
有兩本行於世一本八卷無序一本六  
卷并序目編比顛亂兼復闕少蕭統所  
撰八卷合序目傳誅而少五孝傳及四  
八目然編錄有體次第可尋余頗賞潛  
文以為三本不同恐終致忘失今錄統  
所闕并序目等合為一秩十卷以遺好

事君子

本朝宗丞相私記

右集按隋經籍志宗徵士陶潛集九卷  
 又云梁有五卷錄一卷唐志陶泉明集  
 五卷今官私所行本凡數種與二志不  
 同有八卷者即梁昭明太子所撰合序  
 傳誅等在集前為一卷止集次之亡其  
 錄有十卷者即楊僕射所撰按休之字  
子烈事北

齊為尚書左僕射以好學  
文藻知名與魏收同時

按吳氏西齋

錄有宗彭澤令陶潛集十卷疑即此也  
 其序并昭明舊序誅傳等合為一卷或  
 題曰第一或題曰第十或不署於集端  
 別分四八目自甄表狀杜喬以下為第  
 十卷然亦無錄余前後所得本僅數十  
 家卒不知何者為是晚獲此本云出於  
 江左舊書其次第最若倫貫又五孝傳  
 已下至四八日子注詳密廣於他集惟  
 篇後八儒三墨二條此似後人妄加非

陶公本意且四八目之末陶自為說曰  
 書籍所載及故老所傳善惡聞於世者  
 蓋盡於此即知其後無餘事矣按四八  
一事已陶即具疏所聞或經傳所出以  
結前意此二條既無後說益知贊附之  
 妄故今不著輒別存之以俟博聞者廣  
 平宋庠私記

書靖節先生集後

梁鍾記室嶸評先生之詩為古今隱逸  
 詩人之宗今觀其風致孤邁蹈厲瀟源

又非晉宋間作者所能造也昭明太子  
 舊所纂錄且傳寫寔訛復多脫落後人  
 雖加綜緝曾未見其完正愚嘗採拾眾  
 本以事讎校詩賦傳記贊述雜文凡一  
 百五十有一首洎四八目上下二篇重  
 條理編次為一十卷近永嘉周仲章太  
 守枉駕東嶺示以  
 本朝宋丞相刊定之本於疑闕處甚有  
 所補其楊僕射序錄宋丞相私記存于

正集外以見前後記錄之不同也時皇  
宋治平三年五月望日思悅書

靖節先生江左偉人世高其節先儒謂  
其最善任真者方其為貧也則求為縣  
令仕不得志也則掛冠而歸此所以為  
淵明設其詩文不工猶當敬愛況如渾  
金璞玉前賢固有定論耶僕近得先生  
集乃群賢所校定者因鋟于木以傳不朽  
云紹興十年十一月 日 書

先君嘗謂辰曰汝外祖有北宋本陶集係蘇文忠手  
書以入墨板者為吾鄉有力者致之其後卒燼於火  
蓋文忠景仰陶公不獨和其詩又手書其集以壽梓  
其鄭重若此等秘冊如隨珠和璧豈可多得哉辰  
謹佩不敢忘一日晤錢遵王出此本示余開卷細玩  
是東坡筆法但思悅跋後有紹興十年跋其姓名知非北  
宗本矣而筆法宛是蘇體意從蘇本翻雕者初太  
倉顧伊人湄齋此書求售以示遵王遵王曰此元板也  
不足重伊人曰何謂遵王曰中有宋本作某非元板  
而何伊人語塞遂折閱以售余聞而笑曰所謂宋本

者宗丞相本也遵王此言不知而發是不智也知而  
言之是不信也余則久奉先君之訓知其為善本也  
伊人知之遂持原價贖之願其室曰陶廬而乞當代  
巨手為之記余謂之曰微余言則明珠暗投久矣焉  
得所謂陶廬者乎今借余抄之可乎業師梅仙錢  
先生書法甚工因求手摹一本匝歲而後卒業筆墨  
璀璨典刑儼然後之得吾書者勿易眎之也先外  
祖諱梅字德馨自號約菴嚴文靖公之孫中翰洞  
庭公第四子也甲戌四月下澣汲古後人毛扆謹識

湘潭胡伯蘄性孤介隱居不仕好陶詩  
又好東坡書偶得汲古閣陶集字體似  
蘇者喜而臨一本以寄余伯蘄沒後其  
弟桐生取以付梓甫開雕而桐生又沒  
吾邑俞秀山慨然命工刻成之秀山與  
伯蘄兄弟未謀面而有此雅誼使陶集  
善本及伯蘄妙墨流傳於世良云尚也  
光緒己卯六月番禺陳澧題記





